

Салжукийлар хукмдори Тўгрулбекнинг ўгли, атокли Ислом хукмдори ва лашкарбошиси. Вакти келиб таназулга юз тутган салжукийлар империяси Тўгрулнинг шу ўгли туфайли ўз куч-кудратини қайта тиклади. Аббосийлар заифлашганини кўриб хаддан оша бошлаган византияликлар ўзларига чегарадош подшоҳликлар вужудга келиши билан мусулмонларга қарши сурункали уруш олиб боришга киришдилар. Алп Арслон Кичик Осиёга юриш қилиш билан ўз қўшинларини дин химоясига отлантирди. Манзикерт яқинида Византия императорига қарши зарба бериб, ўзини асир олди. Ўша галабадан кейин мусулмонлар Кичик Осиёнинг қок юрагига кириб бориб, у ерда маҳкам ўрнашиб олдилар. Шундан бери улар Онадўлини тарқ этмадилар. Алп Арслон ўз амакиваччаларидан бири Сулаймон Кутлимишни Кичик Осиё марказининг ҳокими қилиб тайинлади. Бу ўлкани мусулмонлар Рум деб атаёт бошлашди. Рум салжукийлари у ерда усмонли турклар пайдо бўлгунга қадар хукмрон бўлиб туришди. Улар дастлаб Никонни ўзларига пойтахт қилиб олдилар, лекин 1084 йилда салжукийлар бу мамлакатнинг энг йирик кенти Икониум (Кўнё)ни забт этиб, у ерда мустаҳкам қўним топдилар. Византиянинг Кичик Осиёдаги энг бой ва гўзал шаҳарчаси бўлган Икониум Рум салжукийлари даврида қатта шаҳарга айланди.